

საქართველოს კანონი

„საჯარო სამართლის იურიდიული პირის – საქართველოს შინაგან საქმეთა სამინისტროს მომსახურების სააგენტოს მიერ გაწეული მომსახურებისათვის დაწესებული საფასურისა და ვადების შესახებ“ საქართველოს კანონში ცვლილების შეტანის თაობაზე

მუხლი 1. „საჯარო სამართლის იურიდიული პირის – საქართველოს შინაგან საქმეთა სამინისტროს მომსახურების სააგენტოს მიერ გაწეული მომსახურებისათვის დაწესებული საფასურისა და ვადების შესახებ“ საქართველოს კანონის (საქართველოს საკანონმდებლო მაცნე, №2, 04.01.2007, მუხ. 33) მე-6 მუხლის:

ა) „ს“ ქვეპუნქტი ჩამოყალიბდეს შემდეგი რედაქციით:

„ს) ერთი ერთეული სატრანსპორტო საშუალების ან ერთი ერთეული სასოფლო-სამეურნეო მანქანის დამხმარე ტექნიკური საშუალების საექსპერტო შემოწმება (გარდა ამ მუხლის „ს¹“, ს³, „ფ¹“, „ფ⁶“ და „ქ¹“ ქვეპუნქტებით განსაზღვრული შემთხვევებისა) შესაბამისი აქტის შედგენით – 30 ლარი;“;

ბ) „ს²“ ქვეპუნქტის შემდეგ დაემატოს შემდეგი შინაარსის „ს³“ ქვეპუნქტი:

„ს³) საქართველოს საბაჟო ტერიტორიიდან გასატანი, ექსპორტის პროცედურისთვის/რეექსპორტისთვის განკუთვნილი ერთი ერთეული სატრანსპორტო საშუალების ან ერთი ერთეული სასოფლო-სამეურნეო მანქანის დამხმარე ტექნიკური საშუალების საექსპერტო შემოწმება შესაბამისი აქტის შედგენით – 100 ლარი;“;

გ) „ფ¹“ ქვეპუნქტი ჩამოყალიბდეს შემდეგი რედაქციით:

„ფ¹) დაინტერესებული პირის მოთხოვნის საფუძველზე, სააგენტოს სტრუქტურული ერთეულის ტერიტორიის ფარგლებს გარეთ ერთი ერთეული სატრანსპორტო საშუალების ან ერთი ერთეული სასოფლო-სამეურნეო მანქანის დამხმარე ტექნიკური საშუალების საექსპერტო შემოწმება (გარდა ამ მუხლის „ს¹“ და „ფ⁶“ ქვეპუნქტებით განსაზღვრული შემთხვევისა) შესაბამისი აქტის შედგენით – 60 ლარი;“;

დ) „ფ⁵“ ქვეპუნქტის შემდეგ დაემატოს შემდეგი შინაარსის „ფ⁶“ ქვეპუნქტი:

„ფ⁶) დაინტერესებული პირის მოთხოვნის საფუძველზე, სააგენტოს სტრუქტურული ერთეულის ტერიტორიის ფარგლების გარეთ საქართველოს საბაჟო ტერიტორიიდან გასატანი, ექსპორტის პროცედურისთვის/რეექსპორტისთვის განკუთვნილი ერთი ერთეული სატრანსპორტო საშუალების ან ერთი ერთეული სასოფლო-სამეურნეო მანქანის დამხმარე ტექნიკური საშუალების საექსპერტო შემოწმება (გარდა ამ მუხლის „ს¹“ და „ფ¹“ ქვეპუნქტებით განსაზღვრული შემთხვევისა) შესაბამისი აქტის შედგენით – 130 ლარი;“;

ე) „შ“ ქვეპუნქტი ჩამოყალიბდეს შემდეგი რედაქციით :

„შ) საქართველოს კანონმდებლობით დადგენილი წესით, სააგენტოს მიერ სასაქონლო ოპერაციისთვის განკუთვნილ სატრანსპორტო საშუალებაზე საბაჟო დეკლარაციის შევსება (გარდა ამ მუხლის „შ¹“ და „შ²“ ქვეპუნქტებით განსაზღვრული შემთხვევებისა) ან/და სასაქონლო ოპერაციის გამოყენებასთან დაკავშირებული ინფორმაციის (დოკუმენტების) შემოსავლების სამსახურისთვის და საქართველოს შინაგან საქმეთა სამინისტროსთვის მიწოდება ან/და შესაბამის მონაცემთა ავტომატიზებულ ბაზაში ასახვა – 50 ლარი;“;

ვ) „შ¹“ ქვეპუნქტის შემდეგ დაემატოს შემდეგი შინაარსის „შ²“ ქვეპუნქტი:

„შ²) საქართველოს კანონმდებლობით დადგენილი წესით, სააგენტოს მიერ ექსპორტის პროცედურისთვის/რეექსპორტისთვის განკუთვნილ სატრანსპორტო საშუალებაზე საბაჟო დეკლარაციის შევსება ან აღრიცხვის მოწმობის გამოწერა (გარდა ამ მუხლის „შ¹“ ქვეპუნქტით განსაზღვრული შემთხვევისა) ან/და სასაქონლო ოპერაციის გამოყენებასთან დაკავშირებული ინფორმაციის (დოკუმენტების) შემოსავლების სამსახურისთვის და საქართველოს შინაგან საქმეთა სამინისტროსთვის მიწოდება ან/და შესაბამის მონაცემთა ავტომატიზებულ ბაზაში ასახვა – 130 ლარი;“;

ზ) შენიშვნის :

ზ.ა) მე-4-მე-5 პუნქტები ჩამოყალიბდეს შემდეგი რედაქციით :

„4. სააგენტოს უფლება აქვს, ამ მუხლის „ტ¹“, „ფ“, „ფ¹“, „ფ²“ და „ქ“ ქვეპუნქტებით გათვალისწინებული მომსახურებების გაწვევისათვის დაინტერესებულ პირს მოსთხოვოს უფლებამოსილი პირის გადაადგილების უზრუნველყოფა.

5. სააგენტოს უფლება აქვს, უარი განაცხადოს ამ მუხლის „ფ“, „ფ¹“, „ფ²“ და „ქ“ ქვეპუნქტებით გათვალისწინებულ მომსახურებებზე, თუ დაინტერესებული პირის მიერ მითითებული ადგილი სცილდება გონივრულ ფარგლებს.“;

ზ.ბ) მე-7 პუნქტის „ბ“ ქვეპუნქტი ჩამოყალიბდეს შემდეგი რედაქციით :

„ბ) ამ მუხლის „ფ¹“ და „ფ²“ ქვეპუნქტებით გათვალისწინებული მომსახურების გაწვევისთვის შესაბამისი საფასური 30 ლარით მცირდება;“.

მუხლი 2. ეს კანონი ამოქმედდეს 2025 წლის 1 იანვრიდან.